

V. Itaque certum est, ad valorem sacramenti non desiderari eam intentionem Ministri, qua velit sacramenti effectum producere. Constat id ex Augustino Epistol. 98. alijs 33. quae est ad Bonifacium, ubi expresse asserit, non privari parvulos gratia spiritali, quae ad vitam regenerantur aeternam, quia non istis hac intentione sacramenta offeruntur, cum celebrentur per eos necessaria mysteria, & verba sacramentorum. Deinde ecclesia, nec Pelagianos, nec Calvinianos iterum baptizat, dum in ipsis gremium revertuntur: immo id quoad Calvinianos expresse vetuit S. Pius V. Nota autem res est, antiquos Pelagianos, ac Socianos, qui illorum iterum excitaverunt errores, negare, baptismum delere originale peccatum ac conferre gratiam; & Calvinianos, aliosque haereticos negare per baptismum imprimi characterem; hi ergo dum baptizant, non ea voluntate baptizant, ut velit deleri originariam culpam, conferri gratiam, ac imprimi baptizato characterem. Non est ergo necesse, ut Minister velit effectum sacramenti.

VI. Nec intentio requiritur explicita vel conficiendi sacramenti, vel celebrandi ritum externum ut in se revera, & absolute sacrum. Nam Florentina, & Tridentina Synodus eam tantum in Ministro voluntatem exposunt, qua velit facere, quod facit ecclesia; haec vero intentio in eo quoque est, qui licet hunc ritum pro Sacramento non habeat, vel pro ritu in se sacro; tamen perficere eum contendit, ut Christianae ecclesiae ritum, sacramque ipsius caeremoniam. Quamobrem ratus habetur Baptismus à Gentili, immo & ab Aethio ipso ea voluntate collatus, ut facere unice contendat, quod in ecclesia Christianorum fit: at certum est; Gentilem, Aethiopicum nec pro sacramento, nec pro re sacrae hujusmodi ritum habere; Ita rem explicat Sanctus Thomas in 4. dist. 6. quast. 1. art. 3. resp. 2. ad primum: "Quamvis ille, qui non credit Baptismum esse sacramentum, aut habere aliquam specialem virtutem, non intendat, dum baptizat, conferre sacramentum; tamen intendit facere quandoque quod facit ecclesia, etsi illud reputet nihil esse: & quia ecclesia aliquid facit, ideo ex consequenti, & implicite intendit aliquid facere, quamvis non explicite." Manifestum ergo est, ad valorem sacramenti non requiri intentionem explicitam sacramenti conficiendi, vel celebrandi ritum externum ut in se revera, & absolute sacrum; sed sufficere intentionem faciendi quod facit ecclesia, hoc est voluntatem usurpandi, & celebrandi ritum, qui in societate Christianorum pro Religioso habetur: quo in casu juxta traditam à S. Thoma doctrinam, in Ministro ex consequenti & implicite intentio inest rem sacram faciendi, quia ecclesia, cujus se ritum usurpare contendit, aliquid facit, dum hujusmodi ritum celebrat.

VII. Age vero videamus modo, num ii, qui Catharini opinionem tuerunt, dum serio, & attente ritum externum, quem facit ecclesia, adhibendum praedicant, quin interior intentio adsit, ea revera adhibeant in sacramento conficiendo, & diligenter perpendenti facile apparebit in Ministro illo, qui voluntatem habeat serio, & attente id perficiendi, quod facit ecclesia, nil ex eis deesse, quae ad sacramentum perficiendum necessaria diximus. Jam statuitur, hos materiam, & formam adhibere; cum vero voluntatem, hoc est intentionem habeant, dum illas adhibent, faciendi ritum, quem Christiana ecclesia facit, quis non videat habere quoque illam intentionem quae necessaria sit ad perficiendum sacramentum, ac contrariam interiori intentionem, qua ex gr. intra se dicant *Nolo hominem baptizare*, aut celebrationem ritum, quo baptizat, irritam, & inanem fieri, aut supra effectum cadere sacramenti, hoc est supra gratiam, & characterem, ita ut interior illa intentio non baptizandi in hujusmodi ministris nihil aliud sit, nisi voluntas non conferendi characterem, non delendi peccatum, non sanctificandi hominem? At voluntas haec, ut supra diximus, valori sacramenti non obest: immo praesumitur haec voluntas in Sociniano, & Calviniano, quin proinde dubitetur

ab ecclesia de valore Baptismi ab iisdem collati. Videant ergo Catharini opinionem Adversarii, hanc opinionem solo nomine à communiori Scholasticorum differre. Dicent vero, necessarium saltem esse ad valorem sacramenti, ut Minister velit formaliter, ut ritum ecclesiae, vel ut ritum in ecclesia, sacrum illud celebrare. Assentior; sed quid inde? Numquid ille, qui serio, & attente vult externum ritum celebrare, quem Christus instituit, ejusque ecclesia facit, non vult illum formaliter ut ritum ecclesiae, vel ut ritum in ecclesia sacram celebrari? Si exteriori apparatu, si exteriori attentione, si seria actione, si caeremoniarum usu, si denique eorum omnium applicatione, quae fieri ecclesia jubet, dum sacramenta celebrantur, determinatur ad faciendum formaliter sacramentum, ut ritum ecclesiae, vel ut ritum in ecclesia sacrum, quis in hujusmodi Ministro deesse affirmabit hujusmodi intentionem? Immo scilicet ipsi, quos supra recensimus, hanc inesse in Ministro voluntatem satis superque demonstrant; cum enim voluntate ac omnino liberet fiant, interiori dirigente voluntate, sive intentione, fiant necesse est; & contraria voluntas non nisi in effectu cadere poterit. Reponent fortasse, in improbo Ministro voluntatem esse posse interiori, aut jocandi, aut rem ut more naturalem & profanam perficiendi: Sed libera operationes, quas supra numeravimus, hujusmodi voluntatem retrahunt, & excludunt omnino cum per illas ad rem, ut formaliter sacram, & ad ritum ut in ecclesia Christi sacram celebrandum, determinari debeat, ac revera determinetur. Quor fit, ut quastio, vel de solo nomine sit, vel eo reductur; Num scilicet exterior actio deliberate facta interiori ipsi contrariam actionem necessarii excludat, aut retrahat. Nam in utraque opinione ad valorem sacramenti requiritur intentio faciendi quod facit ecclesia; in opinione Catharini haec intentio habetur, dum Minister velit serio, & attente externum ritum celebrare, quem ecclesia facit, quicquid sit de interna voluntate, quae tamen ritui per Ministrum celebrato contraria esse non potest: in aliorum vero opinione non requiritur intentio producendi characterem, & alios sacramenti effectus, sed voluntas sufficit applicandi res, & verba à Christo instituta; quemadmodum in societate Christianorum applicatur, etsi Minister non credat virtutem illis inesse, quae Christus contulerit. Quamobrem te diligenter exposita, sola voce invicem hujusmodi Auctores dissident. Cum vero de valore sacramenti agatur, in praxi communis opinio semper tenenda erit, ut initio monuimus.

INTERDICTUM.

ARTICULUS I.

Interdictum, quoad ejus esse, & divisionem.

SUMMARIUM.

- 1 Interdictum quid sit.
- 2 Interdictum dividitur in locale, personale, & mixtum.
- 3 Interdictum locale quid sit.
- 4 Interdictum personale quid sit.
- 5 Interdictum mixtum quid sit.
- 6 Interdictum tam personale, quam locale subdividitur in particulare, & generale.
- 7 Interdictum personale particulare quid sit.
- 8 Interdictum personale generale quid sit.
- 9 Interdictum locale particulare quid sit.
- 10 Interdictum locale generale quid sit.
- 11 Interdictum populo unius provinciae, vel civitatis, sunt Interdicti: omnes illius provinciae, & civitatis habitatores, etiam si sint innocentes.
- 12 Omnes isti nec in suo, nec in alio loco audire possunt divina, vel ecclesiastica recipere sacramenta.
- 13 Clerus autem non censetur interdictus populo, nec e contra interdicto Clero censetur inter-

- 14 Sub generali interdicto Clerici non comprehenduntur Religiosi utriusque sexus, nisi exprimat, vel ex subiecta materia, aliisque circumstantiis aliter appareat.
- 15 Affertur ratio, ad num. 16.
- 17 Item sub generali interdicto Cleri non comprehenduntur Episcopi, nisi de eis expressa fiat mentio.
- 18 Interdicta civitate, eo ipso intelliguntur interdicta etiam ejus suburbia.
- 19 Affertur, & solvitur instantia.
- 20 Interdicta civitate, vel diocesi, censetur interdicta etiam ecclesia cathedralis.
- 21 Interdicta civitate, vel diocesi intelliguntur interdicta etiam ecclesie Regularium.
- 22 Interdicta alia sunt à Jure, & alia ab homine.
- 23 Interdicta ab homine ferri possunt ab omnibus illis, qui possunt excommunicare, & suspendere.
- 24 Exciipiuntur tamen Superiores Regulares, qui non possunt apponere interdicta localia.
- 25 Interdicta, quae à Jure communi, & à constitutionibus apostolicis tam localia, quam personalia lata sunt, ad uberiori notitiam distincte in distinctis articulis hinc subnectuntur.
- 26 Adit, inseruntur, ad num. 47.

INTERDICTUM est censura ecclesiastica, per quam homo arcetur à participatione aliquorum sacramentorum, omnium divinarum officiorum, & ecclesiastica sepultura; Colligitur ex cap. Non est nobis 11. de sponsal. & matrimon. & cap. Quod in te, de penitent. & remission. Interdictum dividitur in locale, personale, & mixtum, ut colligitur ex Jure canonico in cap. Presenti 10. & c. Si Civitas 17. de sent. excom. in 6. Interdictum locale est, quo immediate locus ipse interdictus, ne ibi divina celebrentur, vel audiantur, sive ab incolis, sive ab alienigenis. Interdictum personale est, quo immediate interdicuntur ipsae personae, & non locus, & tunc illae personae nec hic, nec alibi possunt percipere sacramenta, nec exercere functiones sacras per interdictum prohibitas. Interdictum mixtum est, quo immediate & locus, & personae interdicuntur: v. g. civitas, & ejus incolae; colligitur ex cap. Si sententia 16. de sent. excom. in 6. Interdictum tam personale, quam locale subdividitur in particulare, & generale. Personale particulare est, quo persona aliqua particularis interdicuntur. Personale generale est, quo interdicuntur aliqua communitas personarum, ut populus unius provinciae, civitatis, vel integra aliqua universitas, collegium, capitulum, conventus particularis, ut particularis aliqua ecclesia. Locale generale est, quo interdicuntur loci generaliter, id est locus varia sub se loca complectens, ut regnum, provincia, civitas, ut colligitur ex cap. Cum in partibus 17. de verb. signifi. Circa interdictum personale generale sciendum est, quod interdicto populo unius provinciae, vel civitatis, sunt interdicti omnes illius provinciae, & civitatis habitatores, etiam si sint innocentes. Et omnes isti nec in suo, nec in alio loco audire possunt divina, vel ecclesiastica recipere sacramenta, quia hujusmodi interdictum sequitur personam quocumque ierit; cap. Si sententia 16. de sent. excom. in 6. Clerus autem non censetur interdictus interdicto populo, nec e contra interdicto Clero censetur interdictus populus, nisi in sententia aliud exprimat, unde uno ipsorum interdicto, alius licite admittitur ad ecclesiastica officia, & sacramenta; cap. Si sententia 16. de sent. excom. in 6. In materia enim poenali, ut ista est, verba sunt stricte interpretanda; cap. Odia 15. de Regul. Juris in 6. Sub generali interdicto Cleri non comprehenduntur Religiosi utriusque sexus, nisi exprimat, vel ex subiecta materia, aliisque circumstantiis aliter appareat: & ratio est, quia in materia odiosa secundum communem acceptionem Religiosi non veniunt nomine Cleri, nisi exprimat; & si quandoque lata significatione ve-

niant nomine Cleri, semper fit cum addito *Regularis*. Tum quia in interdicto lato contra Religiosos non comprehenduntur Clerici seculares, ergo in interdicto lato contra Clericos non debent comprehendii Religiosi; Uterius in Jure canonico passim ista ponuntur tantumquam diversa; ut cap. Si quis suadente 17. quast. 4. ubi dicitur in Clerum, vel Monachum; & cap. Super specula 10. Ne Clerici vel Monachi. Sic tenent Abbas cap. Non amplius 1. de institutionibus in 3. Fagnoli num. 7. Anacleo, §. 7. de interdictis num. 187. Layman, Rosignolus, Silvestro, Ugolinius, Coninchus, Bonacina, Engel, & alii multi. Item sub generali interdicto Cleri non comprehenduntur Episcopi, nisi de eis expressa fiat mentio; cap. Quia periculosus 4. de sent. excom. in 6. Circa interdictum locale sciendum est, quod interdicta civitate eo ipso intelliguntur interdicta etiam ejus suburbia, sive haec sint pars civitatis, sive non, sive sint contigua eidem civitati, sive solammodo per vicina interjacentia, sive vicina, dummodo non valde distent, sive suburbia sint ejusdem diocesis, sive diversae; & ratio est, quia, si possent in civitate suburbii dividua celebrari, interdicti sententia vilipenderetur, cum cives ad illa de facili possent convolare: ne igitur sententia interdicti possit sic de facili vilipendi, expedit interpretationem fieri laxiorem, ipsum extendendo etiam ab suburbia: habetur expresse ex cap. Si Civitas 17. de sent. excom. in 6. Nec valet dici, quod quando do suburbia sunt diversae diocesis, non possint subseque legibus Episcopi diocesan. Non valet, inquam, illud interdictum affici illa suburbia, non quatenus provenit ab Episcopo diocesano, sed quatenus provenit à Jure communi per interpretationem, quam facit ex rationabili causa, cum respectu etiam suburbiorum diversae diocesis militet eadem ratio vilipendi interdicti ex suppositione, quod non plus distent à civitate, quam suburbia ejusdem diocesis; aequè enim facultet possent cives ad ecclesias in utriusque suburbii existentes confugere, & ibi interesse divinis, & percipere sacramenta, & sic eludere, seu vilipendere interdictum, ad quod vitandum fit laxior interpretatio ipsum extendendo etiam ad suburbia in dicto cap. Si Civitas 17. de sent. excom. in 6. Sic tenet Suarez dispot. 32. sect. 2. num. 23. Avila part. 5. disp. 1. dub. 3. Coninch. Bonac. Rosignol. & alii. Interdicta civitate, vel diocesi censetur interdicta etiam ecclesia cathedralis; cap. Si Civitas 17. de sent. excom. in 6. ubi expresse habetur, quod interdicta civitate omnia loca ibidem interdicta censeantur, cum aliis de facili possent vilipendi interdictum talis civitatis celebrando, & audiendo divina in cathedrali. Et propter eandem rationem interdicta civitate, vel diocesi intelliguntur interdicta etiam ecclesie Regularium, ipsi enim tam exempti, quam non exempti, nisi specialiter privilegio super eo muniri existant, tenentur servare interdictum locale, nedum à Sede Apostolica emanatum, sed etiam ab Episcopo promulgatum; cap. Auctoritate 4. de privil. in 6. & cap. Cum in partibus 17. de verb. signifi. & Concil. Trid. sess. 25. cap. 12. de Regul. ubi expresse habet: *Censurae, & interdicta, nedum à Sede Apostolica emanata, sed etiam ab Ordinariis promulgata, mandante Episcopo à Regularibus in ecclesiis publicentur, & serventur.* Interdicta alia sunt à Jure, & alia ab homine; Communis. Interdicta ab homine ferri possunt ab omnibus illis, qui possunt excommunicare, & suspendere; cap. Cum Ecclesiarum 3. de Offic. Judic. Ordinari. Exciipiuntur tamen Superiores Regulares, qui non possunt apponere interdictum in ecclesiis sibi subiectis, quia eorum jurisdictionis est personalis, nisi autem localis, & etiam quia actus iste percutit exercitium jurisdictionis in Clerum, & populum, illos privando, ne in ea celebrare, & respective audire possint divina, & fit cum non subditis, ut recte de more suo ratiocinatur Card. de Luca de Jurisd. disc. 99. num. 2. & expresse. partibus auditis, & informantibus, declaravit Sac. Congreg. Episcop. & Regul. in Neapol. Centurionum 21. Ju-







